

北京圖書館 編

北京圖書館藏珍本
年譜叢刊

第144冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 144 冊



第一四四冊目錄

彭春洲先生詩譜	一
柳堂紀年隨筆	七三
寶素室金石書畫編年錄	二八五
丹魁堂自訂年譜	五二一

彭春洲先生墓表

同縣後學陳旦撰

道光元年旦隨溫陶舟師在郡聞道府議舉彭春洲先生孝廉方正以應

詔委縣造廬致意師曰是安足以縻春洲旣而果如所言旦心識之後與友石佳田往謁先生一見如舊識自是每過必設酒佐談持論務援證經史振厲廉節語及近士則少可而多否人或病其激嗚呼先生之論今不可再聞矣憶在日所否皆其有所不爲者也又奚病先生諱泰來字子大號春洲嘉慶癸酉拔貢父輅學者稱

東郊先生拔貢任英德教諭府志有傳母李孺人生母
朱孺人先生與弟修來昭來皆生於學署生二十月能
卽事誦古經語無不切年十五出試恩太守保取以冠
軍隨附學十七居父憂服闋會方伯燠禮爲坐賓方伯
門號多士先生年最少腹富才奇諸老宿謂無與比者
選拔入都罷歸後丁兩母艱遂絕意進取宗屬或諷之
先生笑而不答李學使棠階高其品屏騁從徒步就見
索文卷去踰月得肅面問挽回風俗之道並勸出教人
先生乃比切時敝直明己志爲書數千言復之學使表
其廬且下教高要令使歲時存問自惠學使士奇禮下

胡金竹後此爲再見道光二十二年也先是祁制府墳
延見先生意甚殷不往分巡道某由廣蒞肇舟經其鄉
倣李公故事求見不納其自守如此先生於書無不覽
義無不析兼工隸草八分精篆刻而因時以興慨卽慨
以動物則詩與文尤獨到嘗自言我作詩心無古人作
文常有古人在心著詩義堂後集六卷昨夢齋文集四
卷高要金石畧四卷讀史讎筆六卷輯端人集四卷初
癸酉提學爲程公國仁先生與吳川林殿謨召棠同受
知程公決林必大魁而許先生異日爲粵東文行第一
人至今識者謂程公若在當不祇以粵論先生生平心

慕趙邠卿自刻私印曰趙齋咸豐改元間

朝廷有大處分又刻四朝窮士小印以誌率土同慶蓋
生於乾隆五十五年八月二十七日也同治五年年七
十有七卒於二月四日甲午丁酉葬老圍祖塋配孺人
梁氏妾鄧氏子男道孫復孫顧孫殤者六梁孺人道孫
俱前歿女五一在室孫堯年引年有年女孫一已嫁先
一年先生率其季子攜酒過旦共酌酒半曰陶舟佳田
皆後我而生皆先我而死皆我銘之我墳石一片累子
亦不遠矣卒後其子重述前命表其大者勒諸石嗚呼
先生傳人也乘化考終自無可憾而垂老益孤之後死

則何以堪

三

彭春洲先生詩譜

番禺李光廷著

乾隆五十五年庚戌八月二十七日先生生於英德學
署先生祖居高要縣之田頭村時尊人東郊先生輅
任英德教諭配李孺人副室朱孺人俱隨任先生朱
孺人出

五十六年辛亥二歲

五十七年壬子三歲 四月三日家人抱至齋中索英
石謂日能誦詩卽與卽應日求之不得又是月學署
被水退時忽朗誦云土反其宅水歸其壑如此頗多

鄧卿亭贈詩有白傳七月識之無之句

五十八年癸丑四歲

五十九年甲寅五歲 是年肇慶大水癸巳大水歎云

乾隆之季歲闕逢雛齡笑傲輕海童註云甲寅水災

余五歲然是時不在肇豈英德亦有水耶此處偶註以下第敘

其事不復註以省煩

六十年乙卯六歲

嘉慶元年丙辰七歲

二年丁巳八歲

三年戊午九歲

四年己未十歲

五年庚申十一歲 是年鄉隄陷下鐵牛鎮之

六年辛酉十二歲 東郊先生致仕歸時年五十一

七年壬戌十三歲 是年見梁文脩翺妻父之兄也或

因相攸

八年癸亥十四歲 是年初交譚康侯

九年甲子十五歲 是年以府案首入郡庠時太守爲

蘭圃恩公

保

語諸教官曰予今年試十三縣祇得彭

泰來一人其見賞如此按府誌恩保滿洲鑲白旗人

廩生八年八月任學使爲秋農姚公

文田

十年乙丑十六歲 是年夏恩太守罷官冬卒 已工詩有笙歌門外春如海坐對梅花讀異書之句

十一年丙寅十七歲 是年與客游圭峯無詩 九月

十七日丁父東郊先生憂壽五十六

十二年丁卯十八歲詩二首

自先集至英石 每題祇拈兩字以貫首尾後倣此

集始於是年

十三年戊辰十九歲無詩 是年初游鼎湖

十四年己巳二十歲詩六首

自同聲至宿峽

同聲歌二月梁

孺人歸作也同邑梁慎菴

標菴

女葢去年臘月十七

已起復矣

十五年庚午二十一歲詩二首

自寒食至陽春

陽春歌寄譚

康侯康侯陽春人丁卯舉人時充武英殿校對先集有跋兄行也蛾眉謠詠少年負氣可想是年長子

阿慧生 秋試報罷

十六年辛未二十二歲詩八首

自春雨至光孝

光孝寺新建

虞仲翔祠爲曾賓谷方伯賦賓谷名燠江西南城人

開藩於粵先生與番禺陳仲卿曇俱爲座上客與公

婿熊公常鐔亦有縞紵之訂是年冬與同邑何秋

客彬探梅宿龍華寺二人之交始見於此秋客歲貢

按已卯贈秋客詩有十年共杯酒語則不始於辛未

十七年壬申二十三歲詩十四首

自春草至寫憂

中秋秋客

來訪自廣州歸也 寫憂六首抑塞磊落已見一班

是年寓羊城仍爲曾方伯座客 八月次子阿忠

生

十八年癸酉二十四歲詩十九首

自食虎至與鄧

花船曲記

廣州珠孃之盛 阿慧殤詩次首短歲午迄酉生於

庚午也時止四歲四首弟小豈知覺句指阿忠 贈

徐獻楷文學序自明可想東郊先生之澤 與鄧蘅

皋之驛

飲江上酒樓詩註豫東之警按聖武記云是

年八卦教匪李文成據滑縣

欽差大臣那彥成督兵圍之十一月拔司寨李文成自
焚十二月拔滑縣餘黨悉獲封那彥成三等子賞賚
有差是此年已平 是年春在肇城三月回旋出羊
城會考見知學使鶴樵程公國仁以拔貢入太學程
公河南人 秋試報罷同籍 冬程鶴樵回京往送
無詩 郡中大水

十九年甲戌二十五歲詩四十七首自元夕至曉過出門四

首一首別母時李朱兩太孺人俱在堂兩弟二句先
集到家第三首註云三子一女皆生官中是兩弟一
妹也次首別兄弟三首別妻感君八句妻言也四首

述懷 大廟峽屬廣州清遠縣 過英德入韶州府

界 觀音巖屬英德縣 彈子磯屬曲江縣下過始

興界 庾嶺屬南雄州過嶺入江西南安府大庾縣

界 夜抵南安府城無縣大庾縣在對河 道中感

春四首是過南康縣至贛州府贛縣詩 十八灘上

半屬贛縣後入廬陵府萬安縣下過廬陵屬之萬安

泰和廬陵吉水臨江屬之峽江五縣 新淦舟中新

淦屬臨江府下經豐城縣入南昌府界 滕王閣在

江西省城外江邊南昌府南昌新建二縣附郭 寒

食遊百花洲洲在城內東南隅 湖上望廬山彭蠡